



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-1338 /22
Datum: 02.09.2022.godine

Na osnovu članova 70., 72. stav (3) Zakona o javnim nabavkama Bosne i Hercegovine ("Službeni glasnik BiH", broj: 39/14), otvorenog postupka javne nabavke za LOT 1 - Uklanjanje objekta bivši KTK ulica Čaršijska, LOT 2 - Uklanjanje objekta ugao ulica Čaršijska i Bijela džamija i LOT 3 - Uklanjanje drvenih dućana ulica Kralja Tvrtka objavljenog na portalu javnih nabavki Obavještenjem o nabavci broj: 870-1-3-36-3-56/22 od 23.06.2022.god., donosim:

**ODLUKU
o izboru drugorangiranog ponuđača
(LOT 3 - Uklanjanje drvenih dućana ulica Kralja Tvrtka)**

I

Odlukom o izboru najpovoljnijeg ponuđača broj: 01/1-02-1144/22 od 08.08.2022.god. kao najpovoljniji ponuđač za LOT 3 – Uklanjanje drvenih dućana ulica Kralja Tvrtka izabran je NINE-PROM d.o.o. Visoko.

Izabrani ponuđač je uputio ugovornom organu obavijest da usljed povećanog obima posla nije u mogućnosti potpisati dodijeljeni ugovor.

U skladu sa navedenim, dostavlja se prijedlog ugovora drugorangiranom ponuđaču:

AJDINOVIĆ GRADNJA d.o.o. Visoko
sa cijenom ponude u iznosu od 83.193,00 KM bez PDV-a

II

Stavlja se van snage dio Odluke o izboru najpovoljnijeg ponuđača broj: 01/1-02-1144/22 od 08.08.2022.god. koji se odnosi na LOT 3 – Uklanjanje drvenih dućana ulica Kralja Tvrtka.

III

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji. Ponuđač AJDINOVIĆ GRADNJA d.o.o. Visoko obavezan je dostaviti dokaz iz tačke 12.1. a) (ekonomska i finansijska sposobnost) Tenderske dokumentacije u originalu ili ovjerenoj kopiji u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji, obzirom da je u okviru ponude dostavio običnu kopiju potvrde banke.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za:
LOT 1 - Uklanjanje objekta bivši KTK ulica Čaršijska,
LOT 2 - Uklanjanje objekta ugao ulica Čaršijska i Bijela džamija,
LOT 3 - Uklanjanje drvenih dućana ulica Kralja Tvrtka,

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: nacelnica@visoko.gov.ba



Odlukom o pokretanju postupka broj: 01/2-02-837/22 od 23.06.2022.god. Postupak je objavljen na portalu javnih nabavki Obavještenjem o nabavci broj: 870-1-3-36-3-56/22 od 23.06.2022.god. i u Službenom glasniku BiH broj: 43/22 od 01.07.2022. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-838/22 od 23.06.2022.god., u sastavu:

- | | |
|-----------------------------|---|
| 1. Adna Smajić, predsjednik | 1. Andrea Mitrović Karačić, zamjenik predsjednika |
| 2. Evvel Žutić, član | 2. Suad Efendira, zamjenik člana |
| 3. Anisa Šovšić, član | 3. Edina Ferizović, zamjenik člana |
| 4. Zilha Sirčo, sekretar | 4. Alma Ahmić, zamjenik sekretara |

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Otvaranju ponuda je pristupila Andrea Mitrović Karačić kao zamjenik predsjednika, zbog korištenja bolovanja od strane predsjednika komisije Adne Smajić.

U roku za dostavljanje ponuda 15.07.2022.god. (petak) do 12:00 sati dostavljene su ponude ponuđača:

1. **HARYSCO d.o.o. Sarajevo**
2. **RMK ENGINEERING d.o.o. Sarajevo**
3. **NINE PROM d.o.o. Visoko**
4. **AJDINOVIĆ GRADNJA d.o.o. Visoko**

Dana 28.07.2022.god. (četvrtak) u 09:00 sati Komisija se sastala i pristupila evaluaciji pristiglih ponuda u sastavu Adna Smajić, Evvel Žutić, Edina Ferizović i Zilha Sirčo. Član komisije Anisa Šovšić je na godišnjem odmoru, zbog čega je evaluaciji ponuda pristupila Edina Ferizović kao zamjenski član.

LOT 3- Uklanjanje drvenih dućana ulica Kralja Tvrtka

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	HARYSCO d.o.o. Sarajevo	84.360,00	nema
2.	RMK ENGINEERING d.o.o. Sarajevo	84.140,00	nema
3.	NINE PROM d.o.o. Visoko	77.602,00	nema
4.	AJDINOVIĆ GRADNJA d.o.o. Visoko	79.173,00	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14).

Komisija je prilikom evaluacije ponuda konstatovala sljedeće:

Ponuda ponuđača **HARYSCO d.o.o. Sarajevo** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama („Službeni glasnik BiH”, broj: 39/14), dostavio je ovjerenu

kopiju Potvrde banke iz tačke 12.1. Tenderske dokumentacije, te je ista u skladu sa uslovima iz Tenderske dokumentacije.

Ponuda ponuđača **RMK ENGINEERING d.o.o. Sarajevo** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije, te je ista u skladu sa uslovima iz Tenderske dokumentacije.

Ponuda ponuđača **NINE PROM d.o.o. Visoko** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je ovjerenu kopiju Potvrde banke iz tačke 12.1. tenderske dokumentacije, te je ista u skladu sa uslovima iz Tenderske dokumentacije.

Ponuda ponuđača **AJDINOVIĆ GRADNJA d.o.o. Visoko** je blagovremena, ponuda nije računski tačna. Prilikom provjere računske ispravnosti ponude uočeno je da je na Obrascu za dostavljanje ponude na str.3 i Obrascu za cijenu ponude na str.5 u dijelu cijena ponude bez PDV-a naveden iznos od 79.173,00 KM, dok je u predmjeru i predračunu radova na str.15 kao ukupna cijena ponude bez PDV-a naveden iznos od 83.193,00 KM. Na Obrascu za dostavljanje ponude, Obrascu za cijenu ponude i predmjeru i predračunu radova kao iznos PDV-a na ukupnu cijenu ponude naveden je iznos od 14.142,81 KM, a kao iznos ukupne cijene ponude sa PDV-om naveden je iznos od 97.335,81 KM. Dakle, cijena ponude bez PDV-a upisana na Obrascu za dostavljanje ponude i Obrascu za cijenu ponude u odnosu na predmjer i predračun radova je različita, dok je iznos PDV-a i cijena sa PDV-om u svim aneksima jednaka. Ponuđaču je upućen akt Ispravka računske greške, traži se broj: 09/3-45-2-451/22 od 28.07.2022.god. Ponuđač je blagovremeno dostavio Saglasnost za ispravku računske greške broj: 5C/22 od 29.07.2022.god. Cijena ponude nakon ispravke računske greške iznosi 83.193,00 KM bez PDV-a, odnosno 97.335,81 KM sa PDV-om.

Ponuda je dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije, te je ista u skladu sa uslovima iz Tenderske dokumentacije.

Nakon analize ponuda Komisija je predložila da se provede e-aukcija u skladu sa Pravilnikom o uslovima i načinu korštenja e-aukcije.

Rang lista ponuđača prije zakazivanja e-aukcije za LOT 3:

1. NINE PROM d.o.o. Visoko – 77.602,00KM
2. AJDINOVIĆ GRADNJA d.o.o. Visoko – 83.193,00 KM
3. RMK ENGINEERING d.o.o. Sarajevo – 84.140 KM
4. HARYSCO d.o.o. Sarajevo – 84.360,00 KM

Dana 04.08.2022. godine (četvrtak) Komisija imenovana Rješenjem broj: 01/1-02-838/22 od 23.06.2022.god., u sastavu:

1. Adna Smajić, predsjednik
2. Suad Efendira, zamjenik člana
3. Edina Ferizović, zamjenik člana
4. Zilha Sirćo, sekretar

se sastala i pristupila uvidu u izvještaje o toku i završetku e-aukcije za svaki od lotova.

Radu komisije je pristupio Suad Efendira kao zamjenski član umjesto Evvela Žutića koji je na godišnjem odmoru, te Edina Ferizović kao zamjenski član umjesto Anise Šovšić koja je na godišnjem odmoru.

Komisija je konstatovala sljedeće:

LOT 3 – U toku e-aukcije koja je započela dana 04.08.2022. godine u 11:00 sati a završila istog dana u 11:15 sati nije došlo do promjene cijena, te je najpovoljniji ponuđač nakon završene e-aukcije NINE PROM d.o.o. Visoko sa cijenom ponude u iznosu od 77.602,00 KM bez PDV-a, koja ne prelazi procijenjenu vrijednost nabavke.

Komisija je predložila donošenje odluke o izboru najpovoljnijeg ponuđača:

LOT 3 – NINE PROM d.o.o. Visoko sa cijenom ponude u iznosu od 77.602,00 KM bez PDV-a.

Donesena je Odluka o izboru najpovoljnijeg ponuđača broj: 01/1-02-1144/22 od 08.08.2022.god., na osnovu koje je izabrani ponuđač NINE-PROM d.o.o. Visoko dostavio urednu dokumentaciju iz člana 45. Zakona o javnim nabavkama BiH, te je ugovorni organ pripremio ugovor za potpisivanje.

Ponuđač je pozvan na potpisivanje ugovora i tom prilikom je dostavio ugovornom organu Obavijest od 26.08.2022.god. zaprimljenu kao predmet broj: 09/3-02-12005/22 od 26.08.2022.god., kojom je obavijestio da usljed povećanog obima posla nije u mogućnosti potpisati ugovor za LOT 3 – Uklanjanje drvenih dućana ulica Kralja Tvrtka.

Komisija je predložila donošenje odluke o izboru drugorangiranog ponuđača – AJDINOVIĆ GRADNJA d.o.o. Visoko sa cijenom ponude u iznosu od 83.193,00 KM bez PDV-a, koja ne prelazi procijenjenu vrijednost nabavke.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

Dostavljeno:

1. HARYSCO d.o.o. Sarajevo,
2. RMK ENGINEERING d.o.o. Sarajevo,
3. NINE PROM d.o.o. Visoko,
4. AJDINOVIĆ GRADNJA d.o.o. Visoko,
5. Evidencija,
6. a/a.-



GRADONAČELNIK

mr.sc. Mirza Ganić dipl.ing.